

SAMPYKKT

um hundahald í Ólafsvíkurkaupstað.

1. gr.

Hundahald er bannað í Ólafsvíkurkaupstað, sbr. þó 2. gr.

2. gr.

Sveitarstjórn er heimilt að veita lögráða einstaklingum, sem búa í Ólafsvík leyfi til hundahalds með eftirfarandi skilyrðum:

- a) Leyfi er bundið við nafn og heimilisfang lögráða einstaklings og óheimilt er að framselja það.
- b) Ef sótt er um leyfi til að halda hund í sambýlishúsi, skal skriflegt samþykki sameigenda eða stjórnar húsfélags í húsinu fylgja umsókn. Ef um leiguhúsnæði er að ræða skal fylgja umsókn skriflegt samþykki eiganda íbúðarinnar.
- c) Leyfisgjald vegna undanþágu skal greiða til bæjarsjóðs skv. sérstakri gjaldskrá sem bæjarstjórn setur árlega og heilbrigðisráðuneytið staðfestir. Skal gjaldið greitt í fyrsta sinn við skráningu hunds og síðan fyrirfram árlega með gjalddaga 1. mars. Hafi gjaldið eigi verið greitt innan mánaðar frá gjalddaga fellur leyfið úr gildi. Af hundum, sem blindir menn og öryrkjar þurfa á að halda vegna fötlunar sinnar, skal ekkert gjald greiða.
- d) Skylt er leyfishafa að hafa hundinn ábyrgðartryggðan og getur bæjarstjórn ákveðið að gera heildarsamning við tryggingafélag, eitt eða fleiri. Skal tryggingin ná til alls þess tjóns, sem dýrið kanna að valda mönnum, dýrum, gróðri og munum. Vottorð um ábyrgðartryggingu skal liggja fyrir við greiðslu leyfis og greiðslu árlegs leyfisgjalds.
- e) Hundar skulu færðir árlega til hreinsunar. Um hreinsun þeirra og gjald fyrir hana fer eftir reglugerð um varnir gegn sullaveiki nr. 201/1957. Framvísa skal vottorði um hreinsun við greiðslu árlegs leyfisgjalds.
- f) Leyfishafi skal gæta þess að hundar hans valdi ekki hættu, óþægindum eða óþrifnaði né raski ró manna. Hundar skulu ávallt vera í taumi utanhúss. Leyfishafa er skylt að fjarlægja saur eftir hundinn á tryggilegan hátt.
- g) Eigi má hleypa hundum inn í almenningsfarartæki, leikvelli, matsölur eða aðra veitingastaði, skóla, kennslustaði og barnaheimili, þar með talin sumardvalarheimili og dagvistunarheimili, kirkju og kirkjugarða svo og húsakynni þar sem framleidd eru eða seld matvæli og aðrar neyslu- og nauðsynjavörur. Ef brotin eru skilyrði þessarar greinar getur það varðað refsingu skv. 7. gr.

3. gr.

Umsókn um leyfi til hundahalds skal senda skrifstofu Ólafsvíkurkaupstaðar, sem gefur út leyfið að fengnu samþykki bæjarstjórnar. Upplýsingar um hundinn skal færa í þar til gerða bók hjá Ólafsvíkurkaupstað. Þar skal skrá heiti, aldur, kyn, tegund, litarhátt og önnur einkenni hundsins. Þar skal einnig skrá nafn og heimilisfang leyfishafa. Við skráningu fær eigandi hundsins afhenta plötu til að festa á ól, sem ætíð skal vera um háls hundsins. Við skráningu skal hund eigandi undirrita yfirlýsingu um að hann skuli í einu og öllu fara með hund sinn eftir fyrirmælum samþykktar þessarar eins og hún er nú og síðar kann að verða breytt. Senda skal embætti bæjarfógeta Ólafsvíkurkaupstaðar og heilbrigðisnefnd afrit af leyfisbréfi.

4. gr.

Ef leyfishafi brýtur gegn ákvæðum samþykktar þessarar eða öðrum reglum, sem um hundahald gilda, getur bæjarstjórn afturkallað leyfið. Einnig getur bæjarstjórn afturkallað öll leyfi til hundahalds telji hún þess þörf.

5. gr.

Hættulega og óleyfilega hunda, svo og hunda úr aðliggjandi sveitum, sem ekki eru í fylgd með eiganda eða umráðamanni, svo og aðra ómerkta flækingshunda, sem ganga lausir utanhúss, skal handsama. Við ítrekað brot skal hundinum lógað. Kostnaður við töku hunda skal ákveðinn af bæjarstjórn og að fullu greiddur af eigendum. Hættulegum hundum t.d. þeim sem ráðast á menn og skepnur er heimilt að lóga þegar í stað. Aðra hunda er heimilt að afhenda, ef leyfi er framvísað, enda verði áfallinn kostnaður greiddur. Að öðrum kosti skal hundinum lógað. Ólafsvíkurkaupstaður eða aðilar á þess vegum í samráði við heilbrigðisnefnd og lögreglustjóra hafa eftirlit með hundum skv. samþykkt þessari og skulu þessir aðilar tilkynna bæjarstjórn án tafar um allar kærur, sem þeim berast vegna meintra brota á samþykktinni.

6. gr.

Með brot út af samþykkt þessari skal fara að hætti laga um meðferð opinberra mála og að öðru leyti í samræmi við VI. og VII. kafla laga nr. 81/1988, um hollustuhætti og heilbrigðiseftirlit, með síðari breytingum.

7. gr.

Framangreind samþykkt bæjarstjórnar Ólafsvíkur staðfestist hér með skv. 22. gr. laga nr. 81/1988, um hollustuhætti og heilbrigðiseftirlit, með síðari breytingum og 1. gr. laga nr. 7/1953, um hundahald og varnir gegn sullaveiki, til þess að öðlast gildi þegar við birtingu.

Ákvæði til bráðabirgða.

Að liðnum 3 mánuðum frá gildistöku samþykktar þessarar skal fara með alla óskráða hunda skv. ákvæðum 5. gr.

Heilbrigðis- og tryggingamálaráðuneytið, 11. júní 1990.

Guðmundur Bjarnason.

Ingimar Sigurðsson.

GJALDSKRÁ**fyrir hundahald á Suðurnesjum 1990.**

1. gr.

Gjald fyrir að halda hund, sbr. 2. gr. samþykktar nr. 428/1987, skal á árinu 1990 vera kr. 6 500,00 fyrir hvern hund. Gjaldldagi leyfisins er 1. júlí og eindagi 1. ágúst 1990.

Allur kostnaður vegna föngunar hunda, sem teknir eru lausir, s.s. útkallskostnaður, bifreiðakostnaður og búrleiga, skal greiddur af hlutaðeigandi leyfishafa eða umráðamanni hunds sé um leyfislausu hunda að ræða.

2. gr.

Gjaldskrá þessi, sem samin er og samþykkt af sveitarstjórnnum Keflavíkur, Njarðvíkur, Grindavíkur, Miðneshrepps, Gerðarhrepps, Vatnsleysustrandarhrepps og Hafnarhrepps, staðfestist hér með skv. 22. gr. laga nr. 81/1988, um hollustuvernd og heilbrigðiseftirlit, með ofangreindum gildistíma.

Heilbrigðis- og tryggingamálaráðuneytið, 11. júní 1990.

Guðmundur Bjarnason.

Ingimar Sigurðsson.